


Alhou ye **Tughami** **Ihosukeshea?**



*Akumzapu Kuchouqo
Kiphi Kichekutsu*

2



Satan ye khiukea? Kutomono paye kughakichetsa kethono kuchou kumoe ipi acheni. Ikemu Baibel no pikeuye paye kuchouno ani, eno pano o pishiqhiveno o kuxu ghi kutsavetsu nani. Kuchouno hipau ye ighono alokutsu eno aghakighide eno ampeu shinishi chekeu lhouxu lakhike. Pano timi luthu lakhi, akibo lakhi, akukuhou eno shiyehqo shipusavetsuno aghichhe aghime, kuqakumulo eno kushukuqha sughitsu cheni. Hile Baibel lo akumzapu kuchouqo lono akuzu lo kukau hipau ghili pitsu ani, eno noye kishieno hipau shou tokulu shilukepukeno pitsu ani.

1

Axine ye khiu launo huthukea?

“(atughiu) lono axine shiveke” (1 Johan 3:8). Aqau lo apighi, tughami, eno Satan ipi ku ighi ani. (Piyekusu 12:9).

Khokichile: Satan, khiu vilo devil ipi kuchekeu huno axine hukuthuuke. Baibel kichekutsu sumo keloye axine ghili mtha puzu tishi axine shi ighi ani.




2

Satan no axine shimphi zuu pa jeh ye khiu kuchekea? Eno paye khilehi xuchekea?

“Noye kishi kungugha launo ikiqivekea? O Lucifer, inaqhe nu.” (Isaya 14:12). Jisu no panongu vilo hitoi pi, “Satan hu kungugha launo tsutsukukulo toi ikiqivekeu Ino ithuluke” (Luk 10:18). “Noye Alhou wu akimithe naghuto shou acheke.” (Ezekel 28:14).

Khokichile: Atughiu lo Satan jeh ye Lucifer ke, eno paye kungugha lo ache. Lucifer pesu “Babylon lo akukau lakhi” ipi kimighitsu che (Isaya 14) pa vilo “Tyre lo akukau” ipi kuche (Ezekel 28).



3

Lucifer hukuthu momu abolho ye kiu, eno Baibel ye kishi pa ghili pitsu anikea?

“Noye Ihosukeu Ihoxu lakhike.” (Ezekel 28:15). “Noye tokhoikeu michipu chishidapu cheke, alokutsuno chhitoi eno ajukivi no tokhoi acheke ... akughupu tuqo kumtsu nono kuzunhape achepeke ... o Ihosuke tsala lono o ghenguno alebo jeli eno fulili jelo kutope qhitsu ... o Ihoke tsala lono wo o lau akipimi phulumphi kutolo noye o laghi lo tokhoi acheke.” (Ezekel 28:12, 13, 15). “Noye kuzunhape ngochekeu kishekiphe kungumi (Cherub) lakhi, ... noye Alhou wu akimithe naghuto shou ngoche, noye iqupiti akeu tuquqo mta lo iqho iqicheke.” (Ezekel 28:14).

Khokichile: Lucifer ye kungumi kutamigo toi (Efesiami 3:9) Alhou no Ihosukeu Ihoxu lakhike. Lucifer ye kuzunhape achekeu cherub momu kungumi lakhike. Kuzunhape achekeu kungumi lakhino Alhou kukalakhu ajeu eno lakhino piyiu puthugho acheni (Leshele 99:1). Lucifer ye ighono aqiqheu lo suqhe pukhupe qhipuache keu kungumi lakhi, eno sakiphemi lakhi shi ache. Lucifer ye ighono ajukivi, kiulomu tichetighe kuha. Pa lokutsu ye tokhoi eno pa kuu ye kumzapu Ezekel 28:13 Pa pelo alekiphemi pakutakeu lakhi shipenike Ihosu. Akighithimi hamino pikeuno paye kungumi alekiphemigo sakipheu shicheke ipi cheni.



4

Lucifer mulo lo kiu ilovepuzu paye Alhou ghochilevekea? Eno paye kiu xine shivekea?

“O qhekuza ghengu lono noye o mlo suqheve; okuvu no akighicheshi qhivutsuniyi achekeu, eno o jukuvu akigheu lo achekeu huno o lokutsu shikuchubeve.” (Ezekel 28:17). “Nono o mulo lono hitoi kumsu eno pi, ... Ino I kukalakhu Alhou yepuqo shou suqheni, ... Ino Akiqheu Lhou toi shini.” (Isaya 14:13, 14).

Khokichile: Aqhekuza, anhekushu, eno alakimine pa lolo akeu huno Lucifer mulo suqheve. Pano Alhou ikhiqhiveno Alhou a lo ngopuzu kumtsu pelo panonguno Alhou mlla chekeu toi pa mlla peni ipi kumsuve.

Hi ithilo: Kushiye akumlla (worship) ye hitoi akhoto shivekea? Akumlla (worship) ipi akeu huno Alhou ngo Satan pama dolo akukupuna tsughi akijeu shive. Alhou ye Pano Pa Julho lono lhosupuakeu timiqo pelo alokivishi xu achepeni ipieno lhosupuakeu hu timiqono alokivishi Pa mlla keu lono shikuputsu acheni. Kungugha lo kungumiyo likhino Alhou mlla penikeu shi lhosu puamo (Piyekusu 22:8, 9) Akumlla (worship) ipi akeu hipau ye Alhou salake, ikemu Satan, khiu vilo Lucifer ipi kuchekeu huno kungumiyo pelo Alhou zuqhulo pa mlla penikeu kusuxa thuva. Tishiwo tiqheli hami thi u Jisu no aghasaqha lo akighini shi akelo Satan no ighieno Jisu vilo pa mlla lo ipi (Mathi 4:8-11) Ishi hi ashekha tsalaqo lo Alhou no timiqo vilo Pa mlla lo (Piyekusu 14:6, 7) ipi akeutoi, Satan ghi ayeghiqha lo kughuna kuamiyo vilo pa mlla lo, tishimaye kughape ghiqhiveni ipi nani (Piyekusu 13:15).


Akuka pe akemi, ajuajeh kivi lo ajekipi shi akemiye timiqono pano ikhilu eno mlla acheni. Akuakini kupukunoshi pekutsuno alokughunoshi chu sho xu akeu huno pano Julho lakhi shiveno tipau lo tishi xu anishive cheni. Ikemu Baibel no pi akeuno, “Noye I gizu lo aghau kutau qhieno itsaiqi tipau mlla kevalo (Ipekulu 20:3) Akumlla hipau Lucifer no lunishive, kumtsu pelono pa mlla penishive. Ishi no eno niye khiu mlanike kishelunishi anikea? Tsutsala ninguno Alhou nguno alau kutami mllanikeu kisheluve aye Alhou ye ningu kumlla ikhilutsumonani, ikemu Pa ghochile chekemi qo gholo kihisuve nani (Mathi 12:30) Tsutsala ninguno ningu kuxu lo atighiushi Alhou ikhilumove aye ningu ye Satan papemi lakhi shivea. Noye o kuxu lo atighiu shi Alhou ikhilu chenima? Hiye ighono akhoto inju keu lakhike, tishie lae!



5

Lucifer xine kipimi ghenguno kungugha lo kiu shi ipeghivekea?

“Kungugha lo aghushi ipeghive, Michael eno Pawu kungumiqono Dragon sasu aghushi, eno dragon ghi pa ghinimiyo gholono kichighiju, ikemu panongu ye tomlave, eno panongu ye kungugha lo panongu kungo a kuhave. Dragon akijeu ye hapeve. Aqau lo pa vilo apighi, devil, eno Satan ipi kuche, pano ayeghiqha kuchopu pishiqhive, ayeghi lo pa hapiqive, pa ghinimiyo kumtsu pa gholono hapeve.” (Piyekusu 12:7-9).



Khokichile: Lucifer no kungugha lo kungumi saje akuthuu pishiqhiluve (Piyekusu 12:3, 4) tishieno pano kungugha lo akukupuna huthuve, tishimu Alhou ye pa shou kiumu kughathabemo, ikemu pa eno pa ghinimi pa gholo kuqhano hebide akemiyo kumtsu hapeve, kughengu Lucifer no Alhou ikhiqhiveno Pa kukalaxhu suxalavenike kutoveke ghenguno (Johan 8:44) Kungu lono pa hapeveke thiuye pa vilo Satan ipi kuuve. Satan ipikeu kiqi ye “aghumi” ipi. Eno devil ipikeu kiqiye “pipusa piputhakeu” ipi, eno kungumi Satan papesu wuwekeo vilo “demons” ipikucheni.

6

Itehi Satan oking ye khile anikea? eno paye itehiye kiu shi anikea?

“Ampeu no Satan vilo, “Noye khilauno ighikea? ipi injukelo Satan no Ampeu khochilekeuno, niye ayeghi lo huju woju eno tipau shou iqho iqi a no ighi anie” (Job 2:2). “Ayeghi lo eno azughi lo kughuna kuamiyo ghengu aha! Kughengu piputhachekeu devil hu aghakighide kije lono nongu lau iqiveake, kughengu pa do ye anikemu ikholhoi likhivekeu pano ithiveake” (Piyekusu 12:12). “Nongu ghumi tughami huno abongushuu lakhi no pa ye khiu tsuchunikela ipi igha phuchekeu toi nongu phucheni” (1 Pitor 5:8).

Khokichile: Satan no ayeghi pesu pa phughi kutsu (oking) shieno ngo ani. Alhou no Adam ngo Eve pama pelo ayeghi shou ayehkipeu shipe (Bothubo 1:26) ikemu pama no axine shivekithishi ayehkipeu hipau puhave, Satan no pama pishiqhiluve (Rommi 6:16) Tishieno pano ayeghi shou ayehkipeu momu akukau shiluve (Johan 12:31) Satan ye kungugha lo Alhou shou kiumu shimlavekeu lono Alhou no ayeghi hipau lo Pa julho lono mlapuakeu Pa nuliyo shou pa ghakighide lepuku acheni. Pa ye ghikiqimi lakhi. Pano titoi Alhou nuliyo kutsavetsukeu lono Alhou ghuzavenikeuno pa kimiji lakhi shi acheni.



7

Kughou Alhou no Adam ngo Eve pama lhosuveke thiu pama shou kiu lakukha sutsukea? Agholumove aye kiu shivenaniepi kea?

“Akivi eno akusa kighithi subo ye nonguye khilemu chukevilo, kughengu nonguno tipau chuke tsala lono nonguye kuchouno thive nanike” (Bothubo 2:17).

Khokichile: Alhou no Adam ngo Eve pama vilo akivi eno akusa ithichekeu suboye chukevilopi lakukha suvetsu. Asubo hipau xathi chuvekeu ghime ye akithi ke ipi, tiye lhoktas thivenikeu pike.

Hi ithilo: Alhou no Pawu ampi no Adam ngo Eve pama mla puzu jukivi ghutu lakhi mlano pama pesu tilehi qhive, eno pama pelo aghutu lo axathi jeli kumtsu chulukepushi pulotsu (Bothubo 2:7-9). Ikemu lakhi likhino pama pelo chupemo. Alhou no pama kimiye kehu pama pelo akiviu kishelupenikeu kupughu shitsuke. Ikemu pama no Alhou tsa ye pulumove puzu Satan tsa puluve. Tighenguno ayezha lo akeu toi pama ye thivemayesave.



8

Satan ye kiu ghola lono Eve pishiqhive, eno kiutoikeu kimiki tsa pesu Eve pishiqhivekea?

“Alhou no aluzaqha lo lhosu puakeu lhouxuo gholo apighi no ighono amuqukini lhoux lakhi, eno pano totimi vilo hitoi pi, Alhou ye kuchouno nongu vilo aghutu lo axathi kumtsu chukevilo ipi keshea? ... tileno apighi no Eve vilo, nongu ye kuchouno thivemo nani, ikemu nonguno tipau chuke tsala lono nongu nhethi xukholuvenani eno nongu ye Alhou toi akivi akusa ithivenanike ipikeu Alhou no ithi anike, tighenguno nongu vilo tipau chukevilo ipi lakha puanike” (Bothubo 3:1, 4, 5).

Khokichile: Alhou no lhosupauekuqo gholo jukiviu eno alokutsuu apighi hu Satan no Eve pishiqhive penikeu kumla lo peithave. Phukuthomi hamino pikeuno, apighi abolho lo paye achishibo puno yeuluche ipi (Isaya 14:29; 30:6) Hi kumsululo: Alhou no pa ghushomphi zuu apighi ye ayeghi shou idiuchemo (Bothubo 3:14) Satan no akimiki tsa pikeuye: (1) noye khilemu thimonani, (2) axathi hipau chuve aye noye alotsuve nani ipi. Satan ye kimikimi lakhi eno pishiqhimi lakhi kehu (Johan 8:44) pano kuchou lo kichileu sukuqhano pikelo Eve ye apighi tsano kuchou kughashi kumsuve, eno kughou Alhou no lakha puakeu xathi chuvekeno kuchouno panonguye “alhoukusa ghili ithive” Ikemu Alhou no panongu kimiyekehu panongu shou anileshi amulokusapu axine jume akithi hu pesu panongu tsumove. Satan no alhoukusa ghili pesu timiqo mulo lo suvetsu puzu timiqo pelo Alhou wu ghushoghili hu pesu bidelau shivetsupe eno panongu pelo Alhou kikimiyela launo povecheni peke.



9

Axathi kimiki lakhi mikipho chuvekeu lono kishieno Adam ngo Eve pamaye Eden ghuthu qhivemaye sakepu shive kea?

“Khiuno akivi kumla mlanike ithi anikemu tipau mlamovenikeno tiye pa ghenguno axine shiveake.” (Jems 4:7). “Khiuno axine shiveakeno paye ayehza hexavae, kughengu ayehza hexavekeu pesu axine ipi chenike ghenguno.” (1 Johan 3:4). Tileno Ampeu Alhou no pi, “julo, timi ye ningu toi akivi akusa ithivea eno pano pawu chhpuwo akuxupu xathi xochuve aye paye alhokuthu xu acheuvenani ... Pano timi hu hapheve; eno Pano kungumi Cherubim pesu Eden kipela kidiu qhive, eno ami mili zutakikihi pesu alaghi kumtsu lo akuxupu subo lo kuu laghi kheluvepe.” (Bothubo 3:22, 24).



Khokichile: Lakha puakeu xathi chuvekeu lono axine shive, Alhou no panongu pelo pape penishi akeu yehza hu Adam ngo Eve pama no kepikeshi eno ithithai hexave. Alhou wu yehpeka puthu puakeu yehza hebideve. Alhou tsa pesu kichileu shivetsu eno Satan tsa no kuchou shi ikhiluve. Tishieno pama ye Alhou launo kututa shive. (Isaya 59:2) Satan w pishikiqhi muqu ye Adam ngo Eve pama pelo axine shiveke thiughi akuxupu xathi xochuvepeno axinemi pelo Eden lo tishi alhokuthu xu acheuve penikeushi, ikemu Alhou ye pama pelo tipau shipenike pulotsumo, eno Eden launo pama hapheve.

10

Satan ye kiu ghola lono timi pishiqhive, ghuzave, eno kutsavenikeu kumla shichekeu ghili Baibel lo kishi pipua nikea?

Khokichile: Baibel no pephe piyesutsu akeuno Satan no pishikiqhi jeli kutomo pesu ighieno timiqo pishiqhi eno kutsave acheni. Pa papemiqono amikuchomi ghili shi ighinani, eno ghulo lakhi loye Satan no kungumi lakhi kuvu toi ajukuvu kije lono eno akuka lono ighieno kungugha launo ami kusasu iqighi piyesu nani, eno paye Jisu ke ipinani, ikemu nongu lau ghututsu akeuno, titoikeu lo ikighi ilovenosa. Kughou Jisu ighinikeno tile anthehi kumtsuno Pa ikighi ju ithulunani (Piyekusu 1:7). Eno Pa ye ayeghi lo iqighimonani, ikemu iku khungkusu lo ngovenani (1 Thesaloniami 4:17).

BAIBEL NO SATAN KUMLA GHILI HITOI PIPUANI:

<i>Paye timi pishiqhi eno shikighime cheni (Piyekusu 12:9, 13).</i>	<i>Pano Baibel lo tsa yehphelu chenikemu yehpheapimilu cheni (Mathi 4:5, 6)</i>
<i>Paye timi shou kichileu thopi tsu eno ghiqhive cheni (Piyekusu 12:10; Johan 8:44)</i>	<i>Paye timi tsuchuvenikeu muqu lichhe kutomo shi acheni (2 Timothy 2:26; 1 Peter 5:8)</i>
<i>Paye Alhou timiqo sasu aghushi acheni (Piyekusu 12:17)</i>	<i>Paye timiqo tsughape qhieno jechuve cheni (Luk 13:16; Johan 13:2, 21)</i>
<i>Paye Alhou timiqo kughapesu akughulo suve cheni (Piyekusu 2:10)</i>	<i>Titoi Jisu ghi Pa kusau no jechuveke (Luk 22:3-5; 1 Thesaloniami 2:18)</i>
<i>Paye akimiki lono amichipu kumla shicheni (Pano amichipu kumlaqo shikeu ye kuchou kumo) (Piyekusu 16:13, 14; Johan 8:44)</i>	<i>Eno ashekha lo pa, satan akuvu lo ghinimi kimihhi lono ighinani (2 Korinthiami 11:13-15)</i>
<i>Pano akusupithe timiqo shou suighitsuno shikighime cheni (Job 2:7)</i>	<i>Satan ghinimiqono pastormiqo kimihhi shieno ighinani (2 Korinthiami 11:13-15)</i>
<i>Piputhakeu Devil kiyiqe “pipusa eno piputha” keuke</i>	<i>Pano timiqo nhekithi lono kungugha launo ami suiqighi Piyesanani (Piyekusu 13:13)</i>

11

Satan w pishikiqhi muqu suqe ye kiutoi kumsapu kea?

“Satan no kungugha lo kungumi saje akuthuu pishiqhiluve (Piyekusu 12:3-9) Adam ngo Eve pama pishiqhiluve (Bothubo 3). Noah tsala lo pano tache thono tinguno alau kutami ye qhoi pishiqhiluve (1 Pitor 3:20). Ishi ayeghi hipau lo timiqono Jisu papemono Satan papewuwe ani (Piyekusu 13:3). Ashekha tsalaqolo Satan no timi akichiu pishiqhive nani eno puhavenani (Mathi 7:14; 22:14).



Khokichile: Satan no pishikiqhi kumla ighono akiqheu shikehu timiqono hiye pulukumlapu lakhi ke ipi nani. Wovekeu lo pano kungugha lo kungumi saje akuthuu pishiqhiluve. Noah tsala lo pano tache thono tinguno alau kutami ye qhoi pishiqhiluve, eno pa ghnimiqono akuvu lo ghnimi kungumi toi ighieno timiqo pishiqhi acheni, eno ashekha lo Jisu no ide ighinike zulo Satan ampi no akuvu kije lono ighieno paye Jisu ke ipieno timiqo pishiqhive nani. Tishi aghie pinamu Jisu no azuuno ningu lau hitoi ighinikeulo ghili kutughuvetsu akeu hu ninguye khilemu tipau pulukepu kumo (Mathi 24:23-26). Ninguno Pa tsaqo shou pulubeluve aye Pano Satan pishikiqhi hitoikeu launo ningu xaphelunani (Johan 10:29) (Jisu no ide ighinikeu ghili akiphi 8 lo ghi ithulunani).

12

Kughouno eno khileno eno kiuno Satan ghimenanikea?

“Titoi, tiqheli ashekha lo ghi shi ipeghinani. “Timi Nu no Pa ghinimiqo puunani, eno panongu pelo ayeghi lo akipimi kumla shichekemio kumtsu pekutsuluvepe nani eno pesu amiyizu lo vesu pitivepe nani.” (Mathi 13:40-42). Titoi “Satan, khiu timiqo pishiqhiche keu ghi pesu amiyizu lo eno amichu lo vesu pitivenani.” (Piyekusu 20:10). “Nongu ghushovekemio, I launo chevelo, Satan eno pa ghinimiqo ghenguno kutopuakeu lhokta miyizu lo ilovelovelo,”ipi Jisu no pi nani (Mathi 25:41). “Ino nongu mta dolo ami suvetsunani, eno tipau pelo nongu chuvepenani, eno nongu ju akemio kumtsu nhekitho lono Ino nongu pesu ayeghi shou ayevuamukhu shivetsu nani ... eno nongu ye lhokta tishi kuhavepe nani.” (Ezekel 28:18, 19).

Ayeghiqha hipau kishekhavenike tsala lo Satan pesu amiyizu lo vesupitivenani, eno pesu ayevuamukhu kughukhovenani, hino pa kuxu ashekha.



Khokichile: Ayeghi lo timiqo pishiqhiu Satan ye ayeghi hipau shou no axine shipuhavenikeu mi lo vesupitive nani, eno tiye ayeghiqha hipau kikishekha lono shinani. Pano kungugha lo axine shivekeu likhi kumono ayeghilomio peloghi axine shivepe, Alhou kimiye chekemio shikighime eno kutsavetsuke ghenguno amiyizu lono pa ghimenani.

Hi ithilo: Satan pesu amiyizu lo vesu pitikelo paye shishe imenani putsa, eno Alhou ghi Pa wu lhoux Satan piti akeu jupe Pa mulo ighinani putsa. Pa ye kimiye kinu Lhou kemu Pa gizu lo axine ye shipuhavemayesake. (Amiyizu ghili akiphi 11 loghi ithulunani).

A man with large, black, feathered wings is kneeling on a light-colored surface, looking down in a prayerful or reverent posture. He is wearing a dark, long-sleeved garment and a black headband. The background is a soft, hazy landscape with mountains under a blue sky.

13 Axine kumsapu kushokutsu hipau ye itaghi ide ipeghi nanikeshea?

“Ino xu achekeu toi, ipi Ampeu no pi ani, akhonhe kumtsu l gizu lo qoqhunhenani, eno amili jeli kumtsuno Alhou vilo piphenani.” (Rommi 14:11). (Filipiami 2:10,11; Isaya 45:23 lo ghi julo) Axine ye akiniu khilemu ide ipeghipemonani (Nahum 1:9).

Khokichile: Akhoto kini shi ipeghikeu lono axine kushokutsu hipau xathavenani:

Atighiuno, kungugha launo haphevekeu Satan eno pa ghinimiqo eno ayeghi lo pano pishiqhiluvekemiqo kumtsu pelo Alhou gizu lo qoqhunhenano panonguno kiu kishelukeno ti khochilepenani. Tile panongu kutoshino Alhou ye kuchou, mutsumisheikeu, eno amikuchoke ipi piphenani. Inijukeye lakhimu khochilemokeu shimonani. Panongu kumtsuno panongu kichi lono panonguno Alhou kikimiye milive eno xachilekulu tuchileve eno miliveke ghenguno panongu ye puhave kuzupu shivekeu ithitoilupe nani.

Akiniu no, kungugha lo eno yeghiqha lo axine shinikeu kishelukemiqo kumtsu puhavenani Satan eno pa papemiqo eno ayeghi lo timi khiunoqono Satan pape mlachenikeno tipaqo kumtsu puhavenani. Hipau ghili Alhou tsa lono mutsumishei pitsu ani. Axine ye akiniu khilemu ide ithughieno Pa wu timiqo ghuzapemo nani.

A man with long, dark hair and a beard is shown from the chest up, standing on a wooden cross. He is looking upwards with a serene expression. He is wearing a white loincloth. The background is a plain, light color.

14 Khiuno kungugha lo eno ayeghi lo axine shivekemiqo puhavelu nanikea?

“Hipau ghenguno Alhou Nu pephe ipeghike, tiye Pano Satan kumlaqo shipuhavetsunike ghenguno.” (1 Johan 3:8). Alhou nuliqono ashi eno ahji xapu akeutoi, titoi Pakutoshi panongu gholo kusaje, eno Pa kithi vechewono akithi kuka pe akeu Satan momu devil ipichekeu hu theqhvetsuke (Ibrimi 2:14).

Khokichile: Pa kuxu, Pa kithi, eno Pano xuchileluvekeu vechewono Jisu no axine kuka hu xavetsu keu mutsumishei pephe piyesevea.



15

Alhou ye timiqo ghenguno kiu kishi kumsu achenikea?

"Apuh no Pakutoshi nongu kimiye acheni."

(Johan 16:27; Johan 3:16; 17:22, 23 loghi julo).



Khokichile: Pa Nu Jisu toi, Apuh Alhou ghi Pano lhosu puakeu timiqo kimiye acheni. Jisu no ayeghi lo ighikeu kimiji ye Pa Puh w ghushoghili timiqo lau pephe piyesutsunike ghenguno ighike. Panongu pelo Alhou ye kimiyekiniu eno tuchomujo kutsu Lhou lakhike ipi ithipenike ghenguno. (Johan 5:19).

Satan no Apuh Alhou ghili kumokeu pephe piyesutsu.

Satan no Alhou kumla kughutha kumokeu, eno Pano kumsu chemokeu pephe piyesutsu. Ikemu Jisu no ighi puzu Apuh Alhou jeh lono hipaqa kumsu nuxavetsu eno Kungugha lo achekeu Lhou ye aza lakhino li nga kimiyeno tucho mujo chekeu nguno alau ningu ayeghi lo timiqo kimiye eno tuchomujo chekeu ghili pephe piyesutsu tsu. (Isaya 49:15).


Apuh Alhou toi,

Anu Jisu ghi kupu kimiyekinimi lakhi, akumthsa akughuvu mi lakhi, kutuukulumi lakhi. Pa kupulumiqo ghenguno Apuh no kiu kukumugha kutope qhipuatsu anikeno tikumtsu Anu vecheno pephe piyesutsu ani. Nono hipa yeghi shou kiuanu akiqheu kumsu aghie pinamu Pano kutuukulu lono o sasulunike o khe ani. Pano ningu khe aniepikeu sutsa chiluno ningu Pa lau wunike kutoluni nolo.

16

Jisu no ningu kimiyeno Pa kuxu tsuvekeu toi Apuh Alhou ghi ningu kimiye ani ipikeuye sutsa kivi lakhike kumokeshea?

Nono khochilenikeu:



Nono Iniju Keu Khochiletsu Ani

1. Adam ngo Eve pamano chuvekeu ye apple xathikeshea?

Khokichile: Ningu ye mthae, Baibel no tipau ghili pipuamoke ghenguno.

2. Tughami (devil) ye huchui ipi, tuxa ye timi eno tuxa ye tughashi, akiboqo ghi shopu ani, eno ashomhi ghi pu akeu hipaqo ye timino kumsupheLuku keo khilauno kishi huthu ighikeea?

Khokichile: Hipaqoye Alhou kumthami xulhe kughakichetsa lono suipeghikeuke. Tughami (devil) no hitoikeu kukumusu lo pa mulokiqishi acheni. Vethakumlami akighithi kuhakemiqono tughami ghili kughachekeu ye khisa lakhike thono kuchou kumoe ipi acheni. Kuchou loye tilehi tughami kuhake ipi acheni. Titoikeu kukumusu xapu akemiyo ye tughamiqono pano pishiqhiluvecheni eno timi titoikemiyo ye pano peithave acheni.

3. Alhou no Adam ngo Eve pama vilo, “nongu ye tipau chuke tsala lono thivenani” Bothubo 2:17 ipi puani puzu Kiu ghenguno pama ye tipa tsala lono thivemokea?

Khokichile: **Bothubo 2:17 lo**, “Nongu ye thivenani” ipikeuye pama no tipau chuveke tsala lono thivenikeu laghi lo ighive. Pama ye “thi thuve” ipi Baibel aphe lo yehpuaghi cheni. Pama no chumphu zuuye pama ye thimonikeu, axine kuhakeu lhoayeh lo ache, eno ti thimonikeu lhoayeh pepulukeuye pama no akuxupu xathi chukeu vechewono ke. Ikemu pama no Alhou no lakha puakeu xathi chuvekemtsa pama ye thivenikeu lhoayeh lo kilisuve. Axine shivekulupu lhoayeh pepuluve. Pama lau tipau shi ipeghinosakeu ghili atighilono Alhou no pama lau kutughutsu cheke. Pama pelo akuxupu xathi chupemovekehu pama kuxu ye asheshino iqikitheve, akithi nanu peluve eno ashekha loye thive. Alhou no panongu vilo, “ayeghi mukhu pesu nongu mlapanike ghenguno nonguye ayeghi mukhu shivenani” **Bothubo 3:19** ipipuakeu hu shikupuve.

4. Lucifer ye Alhou no Ihosukeuke ghenguno Lucifer xine kipimi ye Alhou no pukepuke kumokeshea?

Khokichile: Tishimonani. Kughengu Alhou ye Lucifer tokhoikeu lo Ihosu. Axine kuhakeu kungumi Ihoxu lakhi shi Ihosu. Ikemu Lucifer no pakutoshi piputhakeu kumla shi ithughive. Alhou wu yehpeka lo pa pelo acheku lo tuqu lakhi shipenike ghenguno pa pelo ililai kishelukepu kuka tsupuache. Kughou Alhou no Lucifer Ihosu akeno tile paye ghulo kutau ighinikeu lo hebide ipeghinani ipikeu ithi-a. Ikemu Pano Lucifer Ihosumove nike loye Pa wu kikimiye ghushoghili lo lakhi ye tomovekeu shiveno sake ghenguno pa Ihosuve. Pano Ihosu puakeu Ihoxuqu kumtsu lau ililai kishelupenikeu lo Ihosu puani.

Ililai kishelu penikeuno Alhou laghi ke

Lucifer ye kiu shinanikeno Alhou ye mutsumishei ithi a, tishimu Alhou ye pa lhosuve. Lucifer pelo ililai kishelupenikeu lo lhosukeu toi Adam ngo Eve pama peloghi ililai kishelupenikeu lo lhosu, titoi ningu lau ghi ililai kishelu penikeu lo lhosu puani. Timi pelo lhokta Alhou gholo xu achepenike lhosu, ikemu timino axine shivekeu lono akithi timi lau ighive. Timi no akithi kisheluve. Titoi ishi ningu lau ghi ninguye akuxupu kishelunikeo akithipu kishelunikeno ningu pelo ililai kishelu penikeu lo qhivea. Nono khiu kishelunikeno tipau kiqi lono o shou kughathabe nani.

Kimiyekiniu Lhou no pututa chipiu kishelupenikeu aza tsunani

Ajukuvu eno akhoto gho khuqho kiphe ye amikucho, jupilikulu eno Alhou kimiyi keu lono ighi nani. Hitoi keu pulhokusu-u qeni keu ye kiutoi alokivi eno amlokihipu kela, ampeu eno akusau.

Alhou qenikeu kishelulou

Pulhokusu loye “thime kumtsu akivi” lo pulhosu (**Bothubo 1:31**) ikemu ishiye ayeghiqha hipau ye ayikusa qholo ngovea (**Johan 5:19**). Alhou qenikeo Satan qenikeno nono kishelulo. Timiqoye aqhakumtsulo Alhou momu Satan qenikeu kishelu akhani. Kimiyeno Alhou no kishekulupu otsupe puakeu pesu Ampeu qenikeu kishelulou.

5. Alhou ye kiu shiye Lucifer no axine shivekemtsa pa kutsaveno alhokusa hipaqo kumtsu shikimithevemo kea?

Khokichile: Alhou no lhosu puakeu yeghiqha lo axine ipikeuye ighono akithe, eno tipau lo kughuna kuamiqo ghi axine ipikeu ghili ye mtha mithe. Lucifer no Alhou hebide anikemu pa ghi axine ipikeu ghili ye ithikuthumlano hebide ake. Lucifer ye ighono lotsuloghuikemi, ighono gihu chekemi kungumiyo sakipheu lakhike. Pano kiu shi anikeno kungugha no akichiqhi pa jua. Pano pa qholo kungumiyo lau hitoi pikulha thuve. “Kungugha ye alo, ikemu kungumiyo ghi hinguno alau akiviyo suqhekeu lo aghimayesae ipi. Apuh toi pa ghi ayehkipekuka (authority) pe aghimayesa ipikeu kukumsu huno sakipheu akijee hipau nthethi kighichevetsu, eno pano pikeuno lno kiu shi anikeno tiye achipike ipikeu Alhou no ithi anike ipi. Ikemu paye Alhou kuka suxanikeu kukumusu xapu aghive.” Kungumi pa sakiphe qholo akemiqoye pa no kumsu akeu ghili mthapuzu pa tsa kivi inipesu panongu gholo saje akuthuu ye pa gholo ilo kuqhaveno hebide thuve

Kikije kuthu lo Kungumi amqo lakhi Tughami gholo kuqhaluve (Piyekusu 12:3, 4).

Tsutsala Alhou no paikhavi Lucifer kutsaveni keloye kungumi aghokulumuqoye ye kikimiye lono kumono akumsa launo Alhou ghoLuku shivenosa, eno Lucifer no shi akeuno achipikena ipiveno sakeu ghenguno Lucifer anileshi kutsamove. Alhou ye Lucifer pelo pa kumla lhokusa iku akimighi chhitoi, tokhoivekeu khe ani, tithiuno pa kutsavenani.

Alhou ye Pa huthukemi lau kikimiye likhi avehu shi ani.

Kungumiyo shi aghie pina, ayeghi lo miqo shi aghie pinamu luthu lakhi mulo lono ipeghieno Pa kimiyeku avehu shi anikethono Paye khiu pelonomu anguka lono Pa kimiyi chepemo.



Alhou no Satan pelo pakimiji shilupeni keu do tsuanike:

Satan no ayeghiqha ghenguno akupughu akiviu ani picheni. Alhou no pa pelo pakimiji shilupeni keu do tsuanike. Ampeu no ayeghiqha kumtsu pelo no kuchou ithive ke thiuno axine shipuha venani. Ike, kuchou ye satan mishika ye achipi kumoe, mithi keu, kikimiye kuha keu, akimiki eno shikupusa ke.

Kungughaqo no ayeghiqha hipau jukuto acheni.


Baibel lono pi akeuno, "ninguye ayeghiqha jukuto acheni, kungumi eno timiqo jukuto acheni"

(1 Korinthiami 4:9). Ninguno Khristo ngo Satan pama dolo kukupuna hami ithuluvekeu toi, kungughaqono ayeghi lo kukupuna ashekhalo kishinanikeno jukuto ani. Ayeghiqha hipau lo akukaqha kini ani. Khristo kukaqha eno Satan kukaqha ani. Ashekha lo akukaqha hikuma dolo kupuna nani. Noye khiu laumi shinikeno kishelunikeu ye owu. Ikemu ashekha loye Satan eno pa gholo kusumiqo kumtsu kutsavenani.

Hilehi okukumsu eno injuakeu pitsulou



01



02



03



04



05



06



07



08



09



10



11



12



13



14

Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta jajupu lo ighikulupu ani. Akiphiqo gholo lakhimu vezuvekeu shikevilo.

- Akiphi kichekutsu 01:** Tile nono pulubeLukepu kiuana qhiveakeshea?
- Akiphi kichekutsu 02:** Alhou ye Tughami Ihosukeshea?
- Akiphi kichekutsu 03:** Akithi laono xapheluve
- Akiphi kichekutsu 04:** Tsutsu yeghiqha dolo Aphughi kije
- Akiphi kichekutsu 05:** Alokivi kulakupu tsapi
- Akiphi kichekutsu 06:** Atulaphaqo shou yehpukutsu
- Akiphi kichekutsu 07:** Xu-lhe lo atsala lakhi puhavekeu
- Akiphi kichekutsu 08:** Qhoi xapheluve -Jisu Khristo ideighini keu
- Akiphi kichekutsu 09:** Akutsughu eno Akuka
- Akiphi kichekutsu 10:** Kithimi ye kuchouno thiveakeshea?
- Akiphi kichekutsu 11:** Amiyizu ye Tughami pichepuani keshea?
- Akiphi kichekutsu 12:** Alokughuno mpe 1,000
- Akiphi kichekutsu 13:** Alhou no ashiahji kivi kupughu shitsu
- Akiphi kichekutsu 14:** Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 pihqhive nikeno itaghi niu mlakiphe akiyeh lono khulo:
Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mpho zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikihi parentheses lo piyepuakeu (1) no khokichile achipiu ke.**

Form tipau pichivenikeu ghenguno kimiye pu “Adobe Reader” peithalo.

1) Khilauno axine ighikea? (1)

Michael launo
Lucifer launo
Gabriel launo

2) Pano axine shitughilo pa ye khilehi achekea? (1)

Ayeghi shou ache
Kungugha lo ache
Ahuu yepuqo lo ache

3) Lucifer ghili hepho piyesutsu keu ghuthu lakhi phikide julo (6)

Lucifer ye Ihosukeu Ihoxu kungumi lakhike
Paye alokutsuno chhitoi
Paye kungugha lo khura kimiye shou ikuche
Pa laghi lo tokhoi
Paye kungugha khagho kheu shiche
Paye alekiphemi akighiche lakhi shiche
Paye ajukivi lo tokhoi
Paye kuzupe achekeu kungumi lakhike

4) Lucifer no hebidekeu ghili shou amichi shipukutsu lo (5)

Kungugha launo pa hapeve
Paye amulo pebideve eno kungugha lo ngove
Paye akukaki alou ithsuuve
Pa jeh Satan ipi ku
Kungugha lo pano axine shitughiu
Pa hapiqivekeu Jisu no ithulu
Kungumi saje akuthuu pa gholo
pishiqhisuluve.

5) Lucifer ye kiu lunishivekea?(2)

Akumlla lunishive
Alhou ikhiqhiveno Pa a lo ngonishive
Kungughaqha kuchopu lo yeuluche

6) Alhokusau Satan ghili alau phujulo (4)

Pa kiboqo (horns) eno apukhumutsuqo ye huchui
Pa ki ye amiyizu lo ani
Paye timiqo kimiye che
Paye kungugha lo kungumiqo toi ipeghi
Paye amichipu eno akumzapu kumlaqo shimla
Paye kimikimi eno ghikiqihimi lakhi
Pano kungugha launo ami kusaiqighinani
Kutomono pa papesu wuvenani eno puhavenani

7) Adam ngo Eve pama no ikiqivekeu ghili lo amichi shipukutsulo (3)

Satan no aju pekiliveno kungumi lakhi toi ighi
Satan no Alhou pesu kimikimi lakhi shivetsiu
Satan no apple xathi pesu panongu tsu
Satan no atighishi Adam lau ighi
Panongu ye axine shivemu thimonani ipi satan no laju a
Satan no kuchou gholo kichileu sukuqhano
panongu ghuju

8) Ashekha lo satan ghimenikeu kuchouye kiu kea? (4)

Pesu ami lo vesuve nani
Pa ghinimiqo ye pojoluve nani
Kungugha lono pa pitinani
Satan eno pa ghinimiqono panongu ye pimiveake ipi piphenani
Axine miqo ye pesu amiyizu lo vesuve pitive nani
Satan no Alhou mikucho Xakuthami ghili pinani

9) Alhou ye kiushiye satan no axine shivekemtsa kutsavemo kea? (4)

Kungumiqono vetha pimiveno sakehu
Kungumiqono Alhou msaveno sakehu
Lucifer no Alhou nguno akumtoushivakehu
Aghokulumi kungumiqono Alhou pelo pa ghimepemove

Lucifer pelo pano hebide akeu kupughu qhoi shikupuve penikeu avehu shive
Alhou kupughu pephe kepu do ani

10) Ashekha lo Alhou yehpeka ghili pephenikeu thime lakhi akeuye kiukea? (1)

Alhou no akumzapu kumla hami shinani
Kungugha lo mi eno ayeghi lo mi kumtsu qoghunhe no Alhou mikucho Xakuthami ghili pinani
Kungugha lo kungumiyo no kumtsu vilo Alhou huthu lo ipi nani

11) Axine kuchou ghili ye kiukea? (5)

Jisu no axine kuchou hu shipusavetsu
Axine ipikeuye Alhou yehza hexavetsukeu ke
Axine ipikeu no ningu pesu Alhou launo kututa shivetsu
Axine ipikeuye mlalei theqhiluve nani

Satan kimiki huno axine huthuveke
Ghuthu lakhi axine shipuhave aye akiniu khilemu ide ipeghimo nani

12) Hi aghou tsupuaqeqo ghola khipaqono kuchoukea? (5)

Satan no pa kuxughola pesu Alhou nguku
Ningu puh aza nguno alau Alhou no ningu kimiye cheni
Kiuana shi ipeghikelo hiye Alhou “kumlake” ipi chenikemu kuchou loye tiye satan “kumlake”
Jisu kuxu lono Alhou ghushoghili pephe piyesutsu
Apuh Alhou ye ayikusake
Timi akichiuno Alhou ghili vethapimive acheni

13) Jisu kikimiye nguno alau Apuh no l kimiyekeu ghenguno niye l mulokiqishi acheni

lye. Moe.

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno “Sulou” lo inalo.

Oje :	<input type="text"/>		
Owu Email :	<input type="text"/>		
Thepiu kikihi :	<input type="text"/>		
Okungo-a :	<input type="text"/>		
Aphugui, District :	State :	Aghaqhu :	<input type="text"/>
Pin :	Apunu mpe amqo:	Gender :	<input type="text"/>

Anile shi no kusutsa nikeu tipau tsulou